

Kommuneqarfik Sermersuumi, Paamiuni ukallit eqqissisimatitaanissaat pillugu malittarisassat

Piniarneq aallaaniarnerlu pillugit Inatsisartut inatsisaat nr. 12, 29. oktober 1999-imeersumi, § 8, imm. 3, § 17, imm. 2 aamma § 18 naapertorlugit aalajangersarneqarpoq:

§ 1. Malittarisassat Kommuneqarfik Sermersuumi sumiiffinni tamani atuuppoq, kitaani sineriammi qeqertami Tulugartalimmiit avannaani Sioraq avannarliup aamma kujalliup akornanni aamma Qipisaqu Avannarlermi sermersuup nunamut immamulluunniit ujanngisimaffiani, taanna qiterparlugu taavalu avammut kangerlummut, tassanngaanniit Sannerut kangimut aamma kujammut kaajallallugu kiisalu kujammut imaanut. (Takussutissaq 1).

§ 2. Sumiiffinni § 1-mi taaneqartuni ukallit piaraallu eqqissisimatitaapput piffissami aprilip allaqqaataaniit 30. september ilanngullugu.


Pineqaatissiissutit

§ 3. Malittarisassanik § 2-mik unioqqutitsineq akiliisitsinermik imaluunniit pisanik arsaarneqarnermik kinguneqarsinnaapput. Akiligassiissut pisallu nalingi Landskarsimut tuttassapput.

Atulerfia


§ 4. Malittarisassat nalunaarutigineqarneranniit ullut 14-t ingerlareerpata atuutilissapput.
Imm. 2. Tamatumunnga peqatigitillugu Paamiut Kommuuneani ukallit eqqissisimatitaanissaat pillugu malittarisassat ulloq 16. april 1998 akuerineqartut atorunnaarput.

Taamatut allanneqarlutik Kommuneqarfik Sermersuumi, Kommunalbestyrelsimit akuersissutigineqarput ulloq 5. april 2011.


Asii Chemnitz Narup Borgmester, Kommuneqarfik Sermersooq

Kommuneqarfik Sermersuumi, Paamiuni ukallit eqqissimatitaanissaat pillugu malittarisassat piniarneq aallaaniarnerlu pillugit Inatsisartut inatsisaat nr. 12, 29. oktober 1999-imeersumi, § 8, imm. 3, § 17, imm. 2 aamma § 18 naapertorlugit akuersissutigineqarput:

Namminersorlutik Oqartussat, ulloq 29. april 2011.



Ane Hansen, Aalisarnermut, Piniarnermut aamma Nunalerinermut Naalakkersuisoq

Takussutissaq 1.

